



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1725. usque ad annum 1728

Fleury, Claude

August. Vind. [u.a.], 1784

VD18 13322648

§. 7. Actum de Concilio Provinciali Embroduni celebrando.

[urn:nbn:de:hbz:466:1-67667](https://nbn-resolving.org/urn:nbn:de:hbz:466:1-67667)

„solutione de cætero non exemptos, Sæc. XVIII.
 „consuetis Universitati juribus; ubi A. C. 1727.
 „etenim juvenes per examinatores præ-
 „fatos idoneos repertos Officiales Uni-
 „versitatis ad eosdem gradus promo-
 „vere renuerint, poterunt ad gradus
 „prædictos promovere Lectores, &
 „Ministri præfati nostri Ordinis. Illud-
 „que quam maxime concedimus, vo-
 „lumus, decernimus, & mandamus,
 „pro Locis, in quibus sæcularibus stu-
 „dentibus Doctrinæ D. Thomæ, prout
 „in hujus receptissima schola traditæ,
 „gradus ultro non pateant.,,

Hanc Pontificis Bullam non modo Sabaudix Dux, sed & Imperator in suis Provinciis promulgari voluit, & Cardinalem Cienfuegos reprehendit, eoquod sese eidem opposuisset.

§. VII.

Actum de Concilio Provinciali Embrodum celebrando.

Hæc dum Romæ gerebantur, feria admodum scena aperiebatur in Galliis; cum enim Joannis de Soanen Sanitiensis Episcopi pervicacia, & Pontificiæ non minus quam Regiæ auctoritatis contemptus eo usque ascenderet, ut schisma in Ecclesia, & seditio in Regno haud immerito pertimescenda esset,

Sæc XVIII. A. C. 1727. esset, hinc Rex habita cum Franciæ
 Episcopis consultatione decrevit, ejus
 caussam in solemni suæ Provinciæ Sy-
 nodo esse dijudicandam. Erat hic
 Episcopus, ejusque Diæcesis Archi-
 episcopi Embrodunensis jurisdictioni
 subjecta; ibidem ergo celebrari oppor-
 tuit Synodum, quam etiam Petrus de
 Guarin de Tencin Archipræsul Embro-
 dunensis ex Regis mandato Embroduni
 ad diem decimam sextam Mensis Au-
 gusti indixit, transmissa ad suum Cle-
 rum epistola sequenti die 15. Junii Gra-
 tianopoli data: *Reverendissimis Fratribus
 Episcopis comprovincialibus, necnon vene-
 rabilibus Decanis, Capitulis, Abbatibus,
 Conventibus, Prioribus, cæterisque nostræ
 Embrodunensis Provinciæ Ecclesiasticis Per-
 sonis, quæ de jure, vel consuetudine Con-
 cilio Provinciali interesse debent, Salutem
 in Domino.*

„Cum eæ sint muneris nostri partes,
 „ut necessitatibus Ecclesiarum Provin-
 „ciæ nostræ sedulo invigilantes, præ-
 „sentibus, si quæ sint, medeamur ma-
 „lis, futurisque occurramus, Sollici-
 „tudinem nostram Pastoralem visum
 „est convertere, juxta Sacrorum Ca-
 „nonum præscripta, ad celebrationem
 „Concilio Provincialis, ubi in Spiritu
 „Sancto Congregati, & arma Lucis in-
 „duentes, ea statuamus, quæ ad fidei
 „puri

„puritatem, integritatem morum, Ec- Sæc. XVIII.
 „clesiasticæ Disciplinæ conservationem, A C. 1727.
 „abusu, excessuumve . . . corre-
 „ctionem, Scandalorum propulsationem
 „prodesse coram Deo videbuntur. Quam-
 „obrem Concilium Provinciale in Ec-
 „clesia nostra Metropolitana Embrodu-
 „nensi ad diem decimam sextam Men-
 „sis Augusti, videlicet postridie Assum-
 „ptionis Beatæ Virginis Mariæ præsen-
 „tis anni millesimi septingentesimi vi-
 „gesimi septimi, decrevimus haben-
 „dum & inchoandum: Et ad eum fi-
 „nem Reverendissimos Dominos Epi-
 „scopos Provinciæ nostræ per Literas
 „ad singulos nominatim directas evoca-
 „vimus, ac denuo evocamus. Et in-
 „super universis & singulis, qui de jure
 „vel consuetudine dicto Concilio debent
 „interesse mandamus & præcipimus,
 „ut amoto quovis excusationis non le-
 „gitimæ obtentu, in Civitatem Embro-
 „dunensem ad celebrationem Concilii
 „nostri Provincialis convenire, & com-
 „parere non prætermittant, & ad illud,
 „præhabita coram Deo deliberatione
 „deferant, quæ discutienda, corrigen-
 „da, promovenda judicabunt; atque
 „hoc præsentis Decreto declaramus, nos,
 „non obstante convocatorum absentia,
 „aut contumacia, illius initium dicta
 „die sine ulla prorogatione facturos.
 „Man-

Sæc. XVIII. „Mandantes interim, ut hoc præsens
 A. C. 1727. „Edictum nostrum, ne cui detur igno-
 „rantiam obtendendi locus ad valvas
 „tum Ecclesiæ nostræ Metropolitanæ,
 „tum singularum Cathedralium, ac
 „cæterarum in tota nostra Provincia
 „insignium Ecclesiarum affigatur. Quod
 „in Dei gloriam & honorem, feliciter,
 „Dei juvante gratia, cessurum confidi-
 „mus. „

§. VIII.

*Sanitiensis Episcopus cum ceteris Pro-
 vinciæ Præsulibus ad Syno-
 dum invitatus.*

Præter indictionis decretum insuper
 Tencinus Embrodunensis Metro-
 polita eodem humanitatis officio, quo
 ceteros, etiam Joannem de Soanen
 Sanitiensem Episcopum ad hanc Syn-
 odum invitabat, missis ad eum die
 decima quinta Junii encyclicis hisce
 literis:

Reverendissime Domine.

„Ex quo in partem Sollicitudinis Pa-
 „storalis Divina Providentia vocati,
 „in specula Provinciæ Embrodunensis
 „fuimus constituti; vota nostra iis vo-
 „tis adjunximus, quæ jam dudum
 „concepere Episcopi Galliæ de Conci-
 „liis